



**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 10. De cura falutis. Salus est negotium nostrum.

[urn:nbn:de:hbz:466:1-60495](https://nbn-resolving.de/urn:nbn:de:hbz:466:1-60495)

didisse. Sponte tua ab eo te separasti in Februarius tempore, & vel invitus ab eo separatus eris in æternitate. Hæc separatio nunc delectationi tibi est, sed tunc extremi supplicij erit loco.

Statue potius omnia, quam DEUM perdere, quia perdendo DEUM omnia perdis.

Voca nomen ejus non populus meus ; quia vos non populus meus ; & ego non ero vester. Oseæ 1, v. 9.

Ubi bene erit sine illo ? Aut quando esse malè poterit cum illo ?

D I E S X.

De cura Salutis.

Salus est negotium nostrum.

I.

Salus æterna nostrum est negotium ; quod, si prosperum non habeat exitum, omnis jactura in nos redundabit, nec ullus in partem veniet. In negotijs lucri feracibus, sed discriminis obnoxiijs societates contrahimus, præcautiones exigimus ; minus habere lucri malumus, modo periculum incurramus minus ; cùmque alijs lucrum partimur, dummodo & jacturæ socios habeamus. Verum, ubi de animæ salute agi-

Februarius, agitur, nec societas, nec cautio datur: Quivis periculum subire solus deberet. Totum lucrum, totaque jactura ad ipsum pertinet; quivis sibi metipsi ferit, & merit.

II. Probus iste vir, qui tanto salutis tuæ ardet Zelo, qui tot ejus gratiâ labores inse suscepit, qui illam velut proprium negotium curavit, partem habebit lucri, si res felicem sortita fuerit exitum; non item jacturæ tuæ particeps erit, si minus bene successerit, quin quod in detrimentum, & damnationem tibi cedit, ipsi lucrum & meritum pariet. Amicus iste, in cuius gratiam conscientiam tuam læsisti; filius iste, cuius commoda saluti tuæ prætulisti, quem animæ tuæ impendio hoc uplerasti, exitij tui participes non erunt; vel si eandem, quam tui, miseriam incurant, id circa, quod in iustitiæ fuere participes; pœnæ tamen, quas ipsi dabunt, magnitudinem tuarum neutiquam imminuet.

III. Quid sentires de homine aliquo, qui, cum alacer & fervens esset in alterius negotio exigui momenti promovendo, penitus negligeret item, in qua de omnibus ipsius bonis, atque ipsam vitâ ageretur? Hanc sane agendi rationem stultitia argueret. Et nihilominus sic multi hominum agunt, qui magna opere sapere vi-

den-

dentur. Nonne & tu sic agis? Homo iste Februarius, mortuus est, inquit, ingentes sibi opes comparavit, multa bona, & insigne officium familiæ suæ reliquit. O hominem industrium! Quam bene negotia tua administravit! Melius loquere: Hæc sunt negotia aliena, hæc sunt negotia liberorum ipsius. At suum negotium, Negotium salutis qui tractavit? Tempus ei de hac cogitandi non suppetebat, mors improvisa eum prævertit. O hominem insigniter stultus! De alienis cogitavit, sui ipsius prorsus oblitus, & nugis ad se non pertinentibus intentus, suum unicum, & summi momenti negotium penitus neglexit. Familiae suæ aliquot in mundo dies bene providit, & sedem pro omni æternitate sibi in inferno fixit. O hominem insanum! Ille sapiens est, Eccl. 37. inquit Spiritus, qui sapiens est animæ suæ. Et qui animæ sapiens non est, stultus reputatur.

Statue salutis tuæ negotium omnibus alijs præferre, & nihil unquam agere, nec pro te, nec pro amicis tuis, nec pro liberis tuis, quod conscientiam tuam gravet, & salutis tuæ negotium periculo expónat.

Qui sibi nequam est, cui bonus? Eccli. 14. v. 5.

Sapientibus & insipientibus debitor factus es, & te tibi negas. Bern.

DIES